



9. marts 2012

UPA2012/72

Inatsisartut Suleriaasianni § 36 naapertorlugu Inatsisartunut apeqqut tunngavigalugu oqallinnissamut siunnersuut imaattoq matumuuna saqqummiuppara:

Nunat allamiut suliffeqarfiutaasa nunaqavissut pigisaat suliffeqarfiit uuliasiulernerup aalartinisartup iluani sanaartortarnissaat, nassiussuisarnissaat kiffartuussisarnissaallu qanoq iliorluta inuiaqatigiittut qulakkeersinnaaneripput pillugu apeqqut tunngavigalugu oqallinnissamut siunnersuut.

(Inatsisartunut ilaasortaq Andreas Uldum, Demokraterne)

Tunngavilersuut

Nunarput inuutissarsiornikkut sukkasuumik ineriartuleruttorpoq. Tassa imaappoq, uangut aalangiisartut pissutsinut assigiinngitsunut isummersortariaqalerpugut. Demokraatinut pingaaruteqarpoq sapinngisamik annertunerpaamik kalaallit suliffiutaat suliassanik assigiinngitsorpassuarnik suliqaartinneqarsinnaanissaat, aatsitassarsiortut piviusumik aallartilillarpata.

Aatsitassat pillugit inatsimmi § 18 imm. 2 naapertorlugu, pisinnaatitaaffimmik peqartup tunngaviumik kalaallit suliffiutaat sanaartornerni, nassiussinerni aamma kiffartuussinerni tunngaviumik atortartussaavaat taakku teknikkikkut, niuernikkut unammillersinnaassutsikkullu piginnaaneqarluarpata.

Tamanna tunngavigalugu pingaaruteqarluinnarpoq ingerlatseqatigiiffiit takusinnaasuuppasuk kalaallit suliffeqarfiutaat sunik ingerlatsilluarsinnaanersut paarlattuanillu aamma pingaaruteqasaaq, nunaqavissut suliffiutaasa paasilluarsinnaappasuk nunat allamiut ingerlatseqatigiiffiisa suut atorfissaqartikkumaarneraat.

Demokraatini maluginiarparput, Naalakkersuisut isumaqartut, aatsitassarsiornermut nunaqavissut suliffiutaat akuutilluarneqassappata taava ingerlassinnaasaannut tuniniaaffissanik amerlanerusunik pilersitsisoqartariaqarpoq (§ 37 tunngavigalugu apeqqummut akissut nr. 2011-204). Tamannali atuarneqarsinnaasutut taama ajornaatsiginngilaq. Tassami neqeroorutit piumasoqarneralu ataqatigiilluinnartuupput. Taamaattumik iluqutaanngilaq, piumaneqanngitsunik nioqqutissateqarnissaq. Allatut oqaatigalugu, nunaqavissut suliffiutaannut aatsitassarsiornernerup iluani napaniutigisinnaasamik ingerlatassarsiornissaq imaannaanngitsuusussaavoq, inuutissarsiut suli inerisarluarneqanngimmat. Taamaattumik suliffiit pingaarateratarsinnaavaat nioqqutissaq maannakkorpi-aq piumaneqarpallaanngitsoq.

Paarlattuanik nunat allamiut suliffiutaannut ajornartorsiutaasussaavoq nunaqavissut suliffiutaat naammattumik teknikkikkut piginnaasaqanngippata pisariaqalerpat kiffartuussinissaat.

Inuiaqatigiinnut ajornartorsiutinngorsinnaasoq qulaani taaneqartut tunngavigalugit tassaavoq nunaqavissut suliffiutaasa aatsitassarsiotaqatigiiffiit piumasaqaataannik naammassinnissinnaannginissaat tamannalu tunngavigalugu tassa imaappoq, taava nunat allamiut suliffiutaat aggersittari-

aqalissavagut, suliassat kalaallit suliffiutaasa artugaat sulariniassammattigit. Taama pisoqassapat ineriartornermut isiginnaartuinnanngornissarput periaannaavoq qaavatigut aamma aningaas- arpassuit nunaqavissut suliffiutaannik ineriartortitsisussaagaluit, nuna allani sulisinneqassapput ineriartortitsisinneqarlutillu. Politikerit tamanna pinngitsoortittariaqarparput.

Taamaattumik Demokraatini pisariaqartut isigaarput, politikerit sukumiisumik oqallisigisari- aqaraat, qanoq iliussanersugut qulakkeerniarlugu kalaallit suliffiutaasa piginnaanngorsarnissaat, ullumimut naleqqiullugu aatsitassarsiornerit annertunerusut takkukkiartornerat ilutigalugu sulia- nik amerliartortunik tiguisinnaalerniassammata.

Naalackersuisut nammineq oqarnerat naapertorlugu aallartitsereerput suliniutinik arlalinnik taak- kununnga ilaalluni ilinniartitsinerit, aatsitassarsiornermut tulluussakkat. Tunngavilersuutaasoq isumatoq tassunga tassaavoq, aatsitassiornermut atatillugu pilersuisunnungusaanni sulisussanik pikkorisunik atorfinitsisisinnaanissaq. Tamatumunnga atatillugu aamma Naalackersuisut siu- sinnerusukkut oqaatiginikuaat § 37 tunngavigalugu apeqquteqaammut akissut nr. 2011-204) inuutissarsiornermut tapiisarneq allanngortinniarlugu, taamaasilluni nunaqavissut suliffiutaannut, aatsitassarsiornermut pilersuilerumallutik kissaateqartunut, immikkut siunnersuisalernissaq periar- fissaaleqqullugu. Aamma § 37 tunngavigalugu apeqqummut akissummini nr. 201-204-mi Naa- lackersusiut tikkuarpat, pisinnaatitaaffimmik peqartoq oqartussaaffillu susassaartoq isumaqati- giissusiorsinnaasut nunaqavissut suliffiutaasa aatsitassarsiornermi akuunerulernissaat siuarsarni- arlugu. Tamanna ilaatigut pisinnaavoq inuutissarsiutaatilinnik isumasioqatigiisitsinerit aqutigal- git, tassani pisinnaatitaaffimmik peqartup nassuiaatigisassavaa kiffartuussinerit suut pisariaqar- tinneqarnerusut aamma piumasaqaatit suut naammassineqartariaqarnerusut.

Qularutissaanngilaq, suliniutit kusanarmata pitsaallutillu, apeqqulli angisooq tassaavoq suliniuti- gineqartut naammassanersut. Demokraatini isumaqarpugut, suliniutit minnerpaamik makkunann- ga ilaqartariaqartut:

1. Ingerlatseqatigiiffiit suliassanik nunaqavissunit sularineqarsinnaasunik sulariumannittus- sarsiuussisut, tamanna ataqqisariaqartassavaat unammilleqatigiinnikkut atugassarititamminni piumasaqaatiminnilu
2. Akissaatit atorfininnermilu atukkat minnerpaamik pineqartumi isumaqatigiissutaasunik tunngaveqartassapput, unammilleqatigiinnermi atukkat nunat allamiunut nunaqavissunullu assigiinniassammata.
3. Piumasaqaataasassaaq, suliarmut tunngatillugu sulineq ingerlanneqartassasoq, sullivinni avatangiisinut piumasaqaatit, pitsaassutsimullu piumasaqaatit sukkulluunniit atuuttut malil- lugit.
4. Ingerlatseqatigiiffinnut isumaqatigiissutinut sanaartornermi isumaqatigiissuteqartoqartillu- gu ilaasassaaq sumiiffimmi inuiaqatigiit/kiffartuussinerullu atorsinnaasutut nukiunissaat in- gerlatsinerimut atatillugu.
5. Atuisinnaanissamut akuersissummik tunniussinerimut atatillugu sumiiffimmi attaveqarnik- kut ineriartortitsineq inuutissarsiutinik qaarusoqarnermut toqqaannartumik attuumassu- teqanngitsunik ineriartortitsinerimut ilaatinneqarsinnaavoq. Tamatumunnga atatillugu Nam- minersorlutik Oqartussat eqqarsaatigisariaqarpat, umiarsualiviliortsitsineri, mittarfiliort- sitsineri il.il. nunaqavissut suliffiutaasa akuutinneqartarnissaat eqqarsaatigisariaqarpat, suliffeqarfiit aatsitassarsiornerup iluani suliassanik ingerlatsisalernissaminut misilittagaqar- lualeqqullugu.

Demokraatini soorunami neriuutingaarput, Naalakkersuisut partiillu allat oqallinnermut matumunnga akuulluarumaartut, tamannalu tunngavigalugu qilanaarpugut taakkunanga ilanngunneqartussat tusarnissaannut.